

**Uunga siunnersuut: Aningaasanik nuussinerni paasissutissat ilanngullugit nassiunneqartussat pillugit Kalaallit Nunaannut Inatsit pillugu siunnersuummut Namminersorlutik Oqartussat oqaaseqaataannut Inatsisartut aalajangiiffigisassaattut siunnersuut.**

**aamma**

**Aningaasanik peqquserluutinik malunnarunnaarsaasarneq pinerliiniarnernillu aningaasalersuisarneq pillugu peqqussut Namminersorlutik Oqartussat akuersissuteqarnissaat pillugu Inatsisartut aalajangiiffigisassaattut siunnersuut.**  
*(Inuussutissarsiornermut Nukissiuuteqarnermullu Naalakkersuisoq)*

**pillugit**

**Aningaasaqarnermut Akileraartarnermullu Ataatsimiititaliap**

**siunnersuutit aappassaaneerneqarnerinut**

**ISUMALIUTISSIISUTAA**

Ataatsimiititaliap suliarinninnermini kingullermik ilaasortarai:

Inatsisartunut ilaasortaq Hermann Berthelsen, Siumut, siulittaasoq  
Inatsisartunut ilaasortaq Peter Olsen, Inuit Ataqtigiit, siulittaasup tullia  
Inatsisartunut ilaasortaq Henrik Fleischer, Siumut, Karl K. Krusemut sinniisussatut, Siumut  
Inatsisartunut ilaasortaq Jess Svane, Siumut  
Inatsisartunut ilaasortaq Múte Bourup Egede, Inuit Ataqtigiit  
Inatsisartunut ilaasortaq Randi V. Evaldsen, Demokraatit  
Inatsisartunut ilaasortaq Jens NapátôK', Partii Naleraq

Ulloq 26. marts 2019-imi siullermeerinninnerup kingorna ataatsimiititaliap siunnersuutit misissorpai.

### **1. Aallaqqaasiut**

Aningaasanik nuussinermi paasissutissat ilanngullugit nassiunneqartussat pillugit Kalaallit Nunaannut inatsisissatut siunnersuummik aamma Malunnarunnaarsaaneq aamma naalliut-sitsisarnermik aningaasaliisarneq akiorniarlugit pitsaaliuinermi iliuusissat pillugit Kalaallit Nunaanni atuutilerana pillugu peqqussutaanik Namminersorlutik Oqartussat akuersissuteqarnissaat pillugu Naalagaaffimmi oqartussa qarfiit qinnuiginnissimapput.

Kalaallit Nunaanni malittarisassianik taakkuninnga piviusunnngortitsinissamut tunngavigisaq tassaavoq maannakkut aaqqiissutaasup atuukkunnaarsinnissaa pillugu aalajangiussinissamik EU Kommissionip isumaliutiginninneranik Europa-Kommissionip Erhvervsministereqarfimmut (Inuussutissarsiornermut Ministereqarfimmut) ilisimatitsisimanera, tamatuma kingornatigut Danmarkip aamma Kalaallit Nunaata akornanni aningaasanik nuussinert EU-p iluani nuussinersut suliarineqarsinnaalissallutik.

## **2. Siunnersuutit imarisaat siunertaallu**

Peqatigiisititut malunnarunnaarsaaneq aamma naalliutsitsisarnermik aningaasaliisarneq akiorniarlugit pitsaaliuinermi iliuusissat pillugit inatsisip (malunnarunnaarsaaneq inatsit) Kalaallit Nunaannut atuutsilernissaa pillugu peqqussutip, aamma aningaasanik nuussinermi paasissutissat ilanngullugit nassiunneqartussat pillugit inatsisissatut siunnersuutip akuersissutiginnissaat pillugit siunnersuutigineqarpoq. Nunani tamalaani malunnarunnaarsaaneq aamma naalliutsitsisarnermik aningaasaliisarneq akiuunnermut ataatsimoorussatut attaveqarnissap pilersinnissaanik malittarisassiat pingaarnertut tunngaveqartitaapput. Killeqarfiit akimorlugit, aammalu Financial Action Task Force (FATF) aqutugalugu aningaasanik malunnarunnaarsaaneq aamma naalliutsitsisarnermik aningaasaliisarneq akiorniarlugit nunat tamalaani suleqatigiinnermut Namminersorlutik Oqartussat ilanngussimapput. Financial Action Task Forcemit (FATF-imit) aamma EU-mi malunnarunnaarsaaneq malitassaasasamaata ilaannit nunat tamalaani najoqqutassat kingulliit tamakku ilaannik peqqussummut allaqqaagaq piviusunnngortitaqarpoq.

Aningaasanik nuussinermi paasissutissat ilanngullugit nassiunneqartussat pillugit Kalaallit Nunaannut inatsisissatut siunnersuutikkut Danmark assigalugu nunanut isumaqatigiissutit avataanniittunut aningaasanut nuussisoqarnermi ilassutitut piunnaasaqatitaqanngitsunik Kalaallit Nunaanni aningaasalerinermik suliaqarfiit aningaasanik nuussinnaallutillu tigusaqartuarsinnaassapput. Tamatuma aamma assersuutigalugu naalagaaffiup ilaanut taakkunnga taakkunaniillu nuussinernik aningaaseriviit erninnaartumik akuerinnittuarsinnaanissaannik periarfissiisaaq. Pissutaalluni aningaasanik nuussinernut atatillugu Kalaallit Nunaat nunatut isumaqatigiissutaasut avataanniittutut isigineqarunnaartussaassammat.

## **3. Siunnersuutit Inatsisartunit siullermeerneqarneri**

Siunnersuutit siullermeerinninnermi nalinginnaasumik taperserneqarput, tamatumalu peqatigisaanik siunnersuutit nukingiuullugit suliarineqarnerat sakkortuumik uparuarneqarluni.

## **4. Tusarniaanermi akissutit**

Naalakkersuisut ima paasissutissiippat:

*"Aningaasanik nuussinermi paasissutissat ilanngullugit nassiunneqartussat pillugit Kalaallit Nunaanni inatsisissamut siunnersuut tamanut ammasumik ulloq 28. januarimiit 28. februar 2019-imut tusarniaassutaasimavoq, toqqartukkatullu tusarniaaffigisatut illua'tungerisanut nassiunneqarsimalluni.*

*Tusarniaaneq apeqquutinut qulaajaasunut ataasiakkaanut tunngavissiisimavoq. Tusarnia-  
nermut akissumminni GrønlandsBANKEN aamma BankNordik aningaasanik nuussinermi  
paasissutissat ilanngullugit nassiunneqartussat pillugit Kalaallit Nunaanni inatsisissamut  
siunnersuummi aamma malunnarunnaarsaaneq aamma naalliutsitsisarnermik aningaasa-  
liisarneq akiorniarlugit pitsaaliuinermi iliuusissat pillugit inatsimmi (malunnarunnaarsaa-  
nermut inatsit) malittarisassiat Kalaallit Nunaannut atuutsinneqalernissaasa pingaarute-  
qassusiat erseqqissarsimavaat.*

*Malunnarunnaarsaaneq aamma naalliutsitsisarnermik aningaasaliisarneq akiorniarlugit  
pitsaaliuinermi iliuusissat pillugit inatsimmut peqqussummik Naalagaaffimmi oqartussaa-  
soqarfiit tusarniaasitsisimapput.”*

Paasissutissat ataatsimiititaliamit tusaatissatut tiguneqarput.

### **5. Ataatsimiititaliap siunnersuutinik suliarinninnera**

Siunnersuutit suliarinissaannut ataatsimiititaliaq sivikitsuararsuarmik periarfissinneqarsima-  
voq. Tamatumunnga tunngaviuvoq suliassap nukinginnartuunera. Piffissap ilaani Danmarkip  
aamma Kalaallit Nunaata akornanni aningaasanik nuussinerni kinguartoornertit pinngit-  
soortinniarlugit aningaasanik nuussinermut peqqussummi maleruagassat Kalaallit Nunaannut  
kingusinnerpaamik ulloq 1. april 2019-imi atuutsinneqalersimasariaqartut Naalagaaffimmi  
Oqartussat ilisimatitsissutigaat.

Siunnersuutit ataatsimiititaliami suliarineqarnissaannut sivilisunerusumik piffissaqartitsin-  
ginneq ataatsimiititaliamit assut isornartoqartinneqarpoq. Siunnersuutit ataatsimiititaliamit  
sukumiisumik suliarineqassappata siunertamut tassunga naammattumik piffissaliinissaq  
aalajangiisuuvoq. Inatsisartut sulinerata siunissami ataqqineqarnerunissaa ataatsimiititaliamit  
kissaatigineqarpoq siunissamilu taama pisoqaqqinnginnissaa Naalakkersuisunut kaammatt-  
tuutigineqassaaq.

Tamatuma peqatigisaanik UPA2019/215 Inatsisartunit suli akuersissutigineqanngitsoq  
aningaasanik nuussinerni paasissutissat ilanngullugit nassiunneqartussat pillugit Kalaallit  
Nunaannut inatsit Folketingimit akuerineqarmat ataatsimiititaliamit akuerineqarsinnaan-  
ngilluinnarlunilu naleqquttuusorineqanngilaq. Tassunga atatillugu Kalaallit Nunaanni Nam-  
minersorlutik Oqartussat naalagaaffimmilu oqartussat inatsisit aqutsinikkullu malittarisassiat  
pillugit suleqatigiinnerat pillugu namminersornermut inatsimmi aalajangersakkat ataatsi-  
miititaliamit innersuussutigineqassapput, taakku malillugit Danmarkimi naalakkersuisut inat-  
sisissatut siunnersuutaat Kalaallit Nunaannut atuuttussat imaluunniit atuuttussanngortinne-  
qarsinnaasut Folketingimut saqqummiunneqartinnatik Kalaallit Nunaanni Namminersorlutik  
Oqartussanut ingerlatinneqartassapput oqaaseqarfigisassanngorlugit. Kukkuneq taanna uteq-  
qinneqaqqunagu danskit naalakkersuisuannut tamatuma eqqaasitsissutigineqarnissaanik  
ataatsimiititaliap Naalakkersuisut matumuuna qinnugai.

Kalaallit Nunaanni pineqaatissiisoqarsinnaaqqullugu aningaasanik nuussinerit pillugit aaq-qissuussinernik allanik unioqqutitsinermi, assersuutigalugu Kalaallit Nunaanni pinerluttu-lerinermik inatsit naapertorlugu, pineqaatissiissummik eqqartuussuteqarnikkut pineqaatis-siinissamut periarfissat sakkortusineqarsinnaanerat Kalaallit Nunaanni Namminersorlutik Oqartussanik suleqateqarlutik danskit naalakkersuisuinit naliliiffigineqarnissaanik Folke-tingip Kalaallit Nunaannut tunngasunut Ataatsimiititaliaata isumaliutissiissummini kaammat-tuutaanut Naalakkersuisut oqaaseqaateqarnissaat Naalakkersuisut aalajangiiffigisassatut siunnersuutaannik saqqummiussisutaannillu misissuinermini ataatsimiititaliap amigaatigaa. Taamaattumillu tamanna pillugu oqaaseqaatit siunnersuutip aappassaaneerineqarnerani saqqummiuteqqullugit Naalakkersuisut ataatsimiititaliamit qinnuigineqarput.

Kiisalu siunnersuutit suliarineqarnerisa ingerlaqqinnerani siullermeerinninnermi oqaaseqaatigineqartut apeqqtigineqartullu tusaaniarneqarnissaat ataatsimiititaliamit Naalakkersuisunut inassutigineqarpoq.


#### **6. Siunnersuutit aningaasaqarnikkut kingunerisassaat**

Siunnersuutit aningaasaqarnikkut allaffissornikkullu kingunerisaattut siunnersuuteqartumit naatsorsuutigineqartut Aningaasaqarnermut Akileraartarnermullu Ataatsimiititaliamit oqaaseqaatissaqarfigineqanngillat.

#### **7. Ataatsimiititaliap inassuteqaataa**

Tamanna tunngavigalugu siunnersuutit tamarmik **akuerineqarnissaat ataatsimiititaliamit isumaqatigiittumit inassutigineqarpoq.**


Taama oqaaseqarluni isumaliutissiisummilu allassimasutut paasinnilluni ataatsimiititaliap siunnersuut aappassaaniigassanngortippaa.




Hermann Berthelsen,  
siulittaasoq



Peter Olsen



Jess Svane




Randi V. Evaldsen



F Karl Kristian Kruse



Múte Bourup. Egede



Jens NapátôK'